

壽世秘典  
八



中醫珍本叢書

壽世秘典

一函八冊

〔清〕

丁其譽纂

出版：

中醫古籍出版社

北京東直門內北新倉十八號

印刷：

浙江富陽古籍印刷廠

發行：

新華書店北京發行所

一九九一年一月影印

ISBN 7—80013—309—5/R • 306

定價：650 元



壽世秘典卷九

丹毒

火丹者心火妄動三焦風熱乘之故發於肌膚之表有乾溼不同紅白之異乾者色紅形如雲片上起風粟作痒發熱此屬心肝二經之火治以涼心瀉肝化班解毒湯是也溼者色多黃白大小不等流水作爛又且多疼此屬脾肺二經溼熱宜清肺瀉脾除溼胃苓湯是也腰脇生之肝火妄動名曰纏腰丹柴胡清肝湯外以柏葉散如意金黃散敷之

化班解毒湯

玄參

知母

人中黃

黃連

升麻

連翹

牛蒡子

各等分

甘草

五分

右水煎入淡竹葉二十片不拘時服

除溼胃苓湯

防風

蒼朮

白朮

赤茯苓

陳皮

厚朴

豬苓

山梔

木通

澤瀉

滑石

各一錢

甘草

薄桂

各三分

右入燈心二十根水煎服

栢葉散

側栢葉

五錢炒黃為末

蚯蚓糞

韭菜田內佳

黃栢

大黃

各五錢

赤豆

輕粉

各三錢

右為細末新汲水調搽

如意金黃散

天花粉

上白十觔

黃栢

色重者

大黃

姜黃

白芷

各五觔

厚朴

陳皮

甘草

蒼朮

天南星

各二觔

以上共為咀片晒極乾用大磨連磨三次方用密

絹羅篩篩出磁器收貯勿令泄氣凡遇紅赤腫痛  
發熱未成膿者俱用茶湯同蜜調敷如已成欲作  
膿者俱用蔥湯同蜜調敷如漫腫無頭皮色不變  
溼痰流毒附骨癰疽鶴膝風症等病俱用蔥酒煎  
調如天泡丹毒黃水漆瘡惡血攻注等症俱用大  
藍根葉搗汁調敷凡外科一切頑惡腫毒用之皆  
効

### 簡易良方

老鴉眼睛草葉入醋搗敷之能消赤腫

圖經本草

大黃磨水頻刷之

急救方

新汲水調青靛塗

普濟方

柳葉煎湯洗

簡要濟衆方

醋和石灰塗

聖惠方

水調苾硝末塗

梅師方

銀硃調雞子清塗

攝生衆妙方

猪槽下土敷之乾又上

衛生易簡方

卮子搗碎和水塗

奚囊便方

鐵繡磨水塗

廣利方



新生荷葉搗爛入鹽塗之

壽域神方

纏腰火丹

一名蛇涎瘡生於腰間攢如粟痒痛抓破黃水浸淫如瘡圍腰對即成害

雄黃研細醋調敷之仍用酒調服

蓖麻仁燒熱搽之

一切丹毒

油菜葉搗敷隨手即消

千金方

孫思邈云貞觀七年三月余在內江縣飲多至夜覺遍體骨肉疼痛至曉頭痛額角有丹如彈丸腫痛至午通腫目不能開經日幾斃余思本草芸薹治遊風丹腫遂取葉搗敷隨手即消其驗如神亦可搗汁服之

陽起石煨研新水調塗

儒門事親方

浮萍搗汁徧塗

子母秘錄

藻菜切搗敷之厚三分乾即易治熱腫丹甚効

藻水

草也一名聚藻葉細如絲節節連生即水蘊也俗名鰓草

水和蚯蚓泥敷之

外臺秘要

牡礪煨研雞子白調塗

廣利方

黃水瘡

頭面耳項忽生黃粟破流脂水頃刻延開多生痛痒此因日晒風吹暴感溼熱或因內溼熱之物風動

火生治宜蛤粉散搽之

蛤粉散

蛤粉

石膏

煨各一兩

輕粉

黃栢

生研各五錢

右共爲細末麻油調搽

鉛粉

煨黃

松香

各三錢

黃丹

一錢

飛礬

二錢

右研極細末真麻油熬膏敷之

卻真方

枯礬松香黃丹各等分研爲細末真麻油調塗患

處愈

近効方

黃菊花燒灰爲末香油調搽

外科秘傳

真栢油熬稠搽之

外科經方

冬月向火火毒入內兩股生瘡其汁滴用黃栢末搽

之立愈

張杲醫說

天泡瘡

紅腫發熱急脹疼痛用針挑破搽藥

杭粉

一兩

輕粉

石膏

蛤粉

各三錢

右共研極細末挹患處搽之用絲瓜葉搗汁調搽如冬月無此用染缸汁調搽

蓮蓬殼燒存性研末并泥調塗

外科秘傳

藍葉搗敷之

醫林集要

荷花瓣貼

保壽堂方

百合花曝乾研末菜子油調塗良

瀕湖集簡方

雞子黃熬油搽之

天花粉滑石等分爲末水調之

普濟方

蠶豆莢殼燒灰塗効

廣筆記方

癰疹

潔古云癰疹之病其爲證各異焮腫於外者屬少陽相火也謂之癰小紅靨隱於皮膚之間者屬少陰君火也謂之疹凡顯癰證若自吐瀉者慎勿亂治

而多吉謂邪氣上下皆出也癰疹並出小兒難禁  
然首尾俱不可下大抵安裏之藥多發表之藥少  
小便秘則微踈之令邪氣不壅使兒易禁身溫者  
順身涼者逆大忌外敷寒涼內用踈導無此二者  
可保無虞

陳無擇云傷寒發癰者蓋不當下而下熱氣乘虛入  
胃當下而失下則熱畱胃中不得泄二者皆能發  
癰癰者乃熱毒鬱遏煎熬陰血血得熱而不解浮  
於肌肉爲癰足陽明胃主之其狀如錦綉赤者易

治黑者難治蓋熱毒入胃深也

畧例曰陽證發癍有四有傷寒發癍有時氣發癍有熱病發癍有溫毒發癍班班如錦文或發之面部或發之胸背或發之四末乃外感熱病而發癍也陰證發癍亦出背胸又出手足亦稀少而微紅若作熱證投之涼劑大悞矣

玉機微義云按癍證固有陰陽之現證矣陽證大率用托裏清熱化癍涼血陰證止用調中溫胃其癍自消病體自定雖輕重俱從火化大抵急則治標緩則治本

陽毒梔子湯

升麻

梔子仁

各五錢

黃芩

白芍

石膏

知母

各三錢

杏仁

二十粒 去皮尖

柴胡 二錢

甘草 一錢

右薑五片豉百粒水煎服

調中湯

蒼朮

一錢五分

陳皮

砂仁

藿香

白芍

甘草

炙

桔梗

半夏

白芷

羌活

枳殼

各一錢

川芎

麻黃

桂枝

各五分

右薑三片水煎服

消毒飲子

治癰及癰疹

牛蒡子

六錢

荊芥

防風

各二錢

甘草

一錢

右水煎服

風瘙癰疹

世醫論癰疹是皮膚間風然玉機微義云癰疹多屬脾隱隱然在皮膚之間故言癰疹也發則多痒或不仁者是兼風兼溼之殊色紅者兼火化也

綉鐵磨水塗

集簡方

醋漿和石灰塗之隨手滅

外臺秘要

水煮芑消湯拭之

梅師方

赤小豆荊芥穗爲末雞子清調塗之

慈姑葉搗汁調蚌粉塗

綱目

蠶沙煎湯洗浴避風

廣濟方

鹽湯洗

簡便方

白蜜和酒服

養生必用方

茵陳煮濃汁洗立瘥

生生編

風疹痒不止

白礬五兩爲末以酒三合小便一升煎如稀膏以